



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Nucleus Casuum Conscientiæ Sive Brevis Notitia Eorum  
quæ scitu vel necessaria, vel valde vtilia sunt  
Confessarijs in primo ingressu ad audiendas Confessiones**

**Agostini, Giuseppe**

**Coloniae Agripp., 1644**

De Sacr. Ordinis cum Instructione pro Ordinandis.

**urn:nbn:de:hbz:466:1-41767**

atque etiam aliquando sanitatem corporalem, ita Deo disponente.

*Ritus.*

II **C**irca ritum administrandi hoc Sacramentum, debet Parochus seruare ritum suæ Ecclesiæ: & quidem orationes illæ, quæ præcedunt, non debent relinqui sine necessitate: psalmi uero pœnitentiales non censentur esse sub præcepto. Non potest Parochus hoc Sacramentum administrare sine debitis vestibus ad id requisitis. Legi potest *Bonac. in fine tract. de hoc Sacramento.*

---

DE SACRAMENTO  
Ordinis.

*Quod inseruiet ad instructionem pro  
Ordinandis.*

I **C**irca Ordinis Sacramentum multati sunt, non solum contra hæreticos nostri temporis, sed etiam inter Catholicos controuersa. Ego, iuxta  
meum

meum institutum, breuiter ea proponā,  
 quæ necessaria magis videntur, secutus  
 communiore nostri temporis senten-  
 tias ex *Filliuc tom. 1. tract. 9. Bonac. disp. 3.*  
*quest. de hoc Sacramen. Coninch de Sacra-*  
*men. disp. 20. Vasquez tom. 3. in 3. part. 2.*  
*disp. 235 & Aliis.*

### Definitio.

**O**Rdo, prout in præsentī materia  
 accipitur, sic describi potest: Est  
 Sacramentum, in quo traditur aliqui-  
 bus peculiaris potestas ad Sacrosanctū  
 Missæ Sacrificium, & Eucharistiam per-  
 faciendam: vel immediatè, vt solis Sacer-  
 dotibus, vel mediatè plus, vel minus,  
 quibusdam alijs, vt infra constabit: &  
 quidem omnibus ex officio, Quod autē  
 Ordo sic definitus, saltem in aliquo or-  
 dine sit Sacramentum; est de Fide: &  
 semper fuit in Ecclesia, etiam quoad o-  
 mnes Ordines, secundum communiore  
 sententiam: & confert Characterē,  
 sicuti Baptismus, & Confirmatio: & non  
 potest sine Sacrilegio iterari: quòd si  
 quis illicitè iteraret; non esset ex hoc ir-  
 regularis.

F

Nume-

## Numerus.

3 **C**ommunis doctrina est ex *Trident. sess. 23. cap. 2. & can. 2.* in Ordine contineri septem veluti gradus, qui dicuntur etiam septem Ordines: quibus, veluti per gradus, ascenditur ad ultimum, quod est Sacerdotium: nempe Ostiariatum, Lectoratum, Exorcistatum, Accolyratum, Subdiaconatum, Diaconatum, Presbyteratum, seu Sacerdotium: à quibus denominantur Ostiarius, Lector, Exorcista, Accolytus, Subdiaconus, Diaconus, Presbyter, seu Sacerdos: & quamvis omnes Ordines sacra aliqua res sint; tamen nunc primi quatuor dicuntur Minores, & non Sacri: ultimi tres Maiores, & Sacri. Cuius ratio est, quia per tres ultimos propius, & immediatius ordinantur homines ad Sacrificium Missæ, & Eucharistiam conficiendam: & peculiari modo irrevocabiliter, quantum est ex parte ipsorum, dedicantur ad eundem finem: & habent in Ecclesia Latina votum solemne castitatis annexum: & obligant ad divinum Officium recitandum,

dem, quod non conuenit quatuor prioribus.

4. Prima Tonsura, quæ omnes Ordines præcedit, non est Ordo, sed quædam præparatio, & dispositio ad Ordines, & ad eos introductio: nec est Sacramentum, nec habet aliquod proprium officium: licet sufficiat ad constituendum hominem Clericum, & priuilegijs Clerici fruentem. Similiter Episcopatus, secundum communiorem sententiam, non est totaliter nouus Ordo, sed quidam gradus Sacerdotij, & veluti extensio ipsius: est enim Episcopus Summus Sacerdos in sua Diœcesi: similiter Cantoratus, seu officium Cantoris non est Ordo, quia non confertur cum aliqua consecratione. Legite *Coninch loco cit. dub. 2. Filliuc. c. 1. n. 12. & 13.*

### Officia.

Singulorum Ordinum officia ex Pontificali Romano, & alijs ferè, & communiter enumerantur. Ostiarij munus, & officiũ est clauis Templi conseruare, aperire, & claudere eius  
 F 2 ianuas,

ianuas, arcere eos, quibus non licet intrare Sacris, campanas pulsare, quæ intra Ecclesiam sunt custodire, ei, qui prædicat, librum aperire. Lectoris munus est legere in Ecclesia lectiones veteris & noui Testamenti, rudimenta Fidei Christianæ Catechumenos docere.

6. Exorcistæ munus est manus imponere super Energumenos, seu vexatos à spiritibus immundis ad illos adiurandos, & reijciendos, item ad exorcizandos Catechumenos. Solebat etiam olim facere, vt qui non communicarent darent locum communicantibus, & infundere aquam, siue in ministerium Baptismi, siue ad ablutionem post communionem communicantibus. Accolyti munus est præparare ampullas vini, & aquæ ad Sacrificium Missæ, & porrigere Subdiacono, ferre cereos ad idem Sacrificium, & illi ministrare: vnde dicitur etiam Accolytus, quasi subsequens, seu pedisequus: dicitur etiam Ceroferarius.

7. Subdiaconi munus est immediate subordinari Diacono ad Sacrificium Missæ, Calicem, & Patenam illi tradere, vrcolum cum aqua præbere, aquam ad lauan-

lauandas manus infundere: sed præcipue eius munus est Epistolam ex officio, & solemniter in Missa legere. Diaconi munus est cantare solemniter Euangelium in Missa, ministrare immediate Sacerdoti in omnibus, quæ pertinent ad Missæ Sacrificium, vestire Altaria, Crucem ferre, item ex commissione Sacerdotis prædicare, & baptizare.

8. Presbyteri munus est præcipuum offerre Sacrificium Missæ: vnde dicitur habere potestatem in Corpus Domini verum, Absoluere a peccatis, iuxta ea, quæ dicta sunt in Sacramento Pœnitentiæ: vnde dicitur habere potestatem in corpus Domini mysticum. Item aliqua alia Sacramenta ministrare, iuxta superius dicta: pascere populum doctrina, & exemplo; & aliquas benedictiones facere, vt Aquæ Benedictæ, & similes.

### *Quis Ordo sit Sacramentum.*

9 Sicuti certum omnino est Ordinationem Sacerdotis, quæ etiam extendi potest ad Ordinationem Episcopi, esse verum Sacramentum; ita, saltem